



SAKSPAPIR

Saksnr	Utval	Type	Dato
26/2021	Formannskap/plan- og økonomiutvalet	PS	09.03.2021

Sakshandsamar	Arkiv	ArkivsakID
Atle Fasteland	FE-614, TI-&55	16/308

OVERDRAGING AV BERGSDALEN SKULE TIL BERGSDALEN BYGDELAG - ORIENTERINGSSAK

Vedlegg:

Bruksrett til veg Bergsdalen skule
Vurdering av vegrettar knytt til overføring av Bergsdalen Skule
Avtale overtaking Bergsbygda skule

Kommunedirektøren sitt framlegg til vedtak:

Formannskapet tek saka til orientering.

Formannskap/plan- og økonomiutvalet - Sak 26/2021

FPØ - Behandling:

Boris Groth, Frp stilte spørsmål ved sin habilitet i saka. Formannskapet vedtok samrøystes at Boris Groth er ugild i medhald av fv.l. § 6, 1. ledd b). Ugild når vedkomande er i slekt med part.

Trond Olav Magnussen, H møtte som varamedlem i saka.

Formannskapet drøfta saka.

Kommunedirektøren sitt framlegg til vedtak vart samrøystes vedteke.

FPØ - Tilråding/Vedtak:

Formannskapet tek saka til orientering.

Saksopplysningar:

Formelt grunnlag

Vedtak sak 68/2019, 23.10.201, Formannskap / plan – og økonomiutvalet:

Formannskapet tilrår at rådmannen kan gå vidare i prosessen slik at innbyggjarane i Bergsdalen kan overta skulen. Finansiering ved bruk av fond og kommunestyret vil få sak om finansieringa i sak om årsavlutning i desember. På bakgrunn av vedtak i sak frå 32/2016 er formannskapet delegert mynde i saka, men bruken av midlar må opp i kommunestyret j.fr kommunelova. Formannskapet godkjenner rammene for prosessen;

1. *Innbyggjarane i Bergsdalen, 22 representantar, vil vera med på å skipa eit nytt lag med føremål å eiga og drive skulen vidare til beste for bygda. Arnfinn Trøen er førebels representant for laget.*
2. *Vaksdal kommune vil, saman med representantar frå Bergsdalen, gå gjennom bygget og sjå kva stand det er i. Bygget skal vere i «akseptabel» stand ut frå at det er vel 40 år gammalt. Skulen skal ikkje oppgraderast til standard 2020. Ut frå kva stand bygget/bygga held, og omkostningar ved overdraginga, vil det nyoppretta laget i Bergsdalen få eit tilskot frå kommunen. Tilskotet er eit eingongstilskot på mellom 500 og 750.000 kroner.*
3. *Etter synfaring og statusrapport for bygget er prosessen tenkt;*
 - a. *Regulerings, og bruksendring samt privatrettslege krav må avklarast og ryddast i.*
 - b. *Juridiske og økonomiske tilhøve rundt eventuell overdraging til bygda må klarerast.*
 - c. *Endeleg kontrakt må opprettast der eit nyskipa bygdelag med eige organisasjonsnummer overtek ansvar og drift av «gamle» skulen i Bergsdalen.*
4. *Bygget, skulen i Bergsdalen, skal nyttast til samfunnsgagnlege føremål.*
5. *Om ein etter nokre år ser seg nøyde til å avhende bygget skal salsinntektene med frådrag for kostnader ved sal, regulerings- og bruksendring samt rettmessige privatrettslege krav vert sett av til eit fond til utvikling av Bergsdalen.*

På møte i Kommunestyret 16.12.2019, sak 93/2019, Justering ved årsavslutning 2019, fatta Kommunestyret vedtak om finansiering av overtakinga.

Orientering frå kommunedirektøren

Vår og haust 2019 var det møter mellom politisk og administrativ leiing i Vaksdal kommune og bebuarar i Bergsdalen om framtida til skulen. Dåverande ordførar og rådmann var på fleire møter. Mellom anna var det møter på skulen i Bergsdalen, på Bergsdalstunet og eit møte med representantar frå bygdefolket på Heradshuset.

I løpet av 2020 blei det gjennomført synfaring på skulen i Bergsdalen og det blei lagt fram ein tilstandsrapport for bygget/bygga. Bergsdalen Bygdelag blei oppretta og registrert i Brønnøysundregisteret. Vaksdal kommune nytta advokat i arbeidet med å utarbeide avtale for overdraging til Bygdelaget. Dette for at dei juridiske sidene skulle vere teke i vare på forsvarleg vis.

Kommunedirektøren har til oppgåve å sjå til at politiske vedtak blir sett i verk. Kommunestyret fatta vedtak om at Bergsdalen skule skulle gjevast attende til bygda med finansiell stønad. Vedtaket var,

etter kommunedirektøren sitt syn, fatta i beste meining og skulle fremja positiv utvikling og vekst i Bergsdalen. Etter vedtaket i desember 2019 er bygda kome inn i Liv og Lyst prosjektet. Bergsdalen Bygdelag er oppretta. Mykje ligg no godt til rette for positiv utvikling i Bergsdalen.

Vedtaket om overdraging av skulen i Bergsdalen til bygda har ei lang historie. Skulen blei lagt ned, og elevane flytta til skulen på Dale, hausten 2006. 10 år seinare, i 2016, vart det sett i gang ein prosess med å finne ordningar for at skulen kunne overførast bygda. Desse prosessane stogga opp og vart starta opp igjen i 2019. No nesten 2 år seinare ligg det føre ein avtale om overdraging til Bergsdalen Bygdelag. Denne har Bygdelaget godteke og skrive under på. Avtalen ligg vedlagt orienteringa. Kommunedirektøren vil gjennomføre det politisk fatta vedtaket frå desember 2019 og overføre skulen, slik det kjem fram i vedlagte avtale, til Bergsdalen Bygdelag

Hausten 2020 var det kontakt mellom representantar for Bergsdalen Bygdelag, grunneigar gbnr 77/1 og Vaksdal kommune. Det var fleire møter på Heradshuset om saka og synfaring i Bergsdalen seint på hausten 2020. På denne synfaringa var både grunneigar gbnr 77/1, Helge Terje Fosse og representant for Bygdelaget, Arnfinn Trøen, til stades. Frå Vaksdal kommune var ordførar Hege Eide Vik, varaordførar Kjartan Haugsnes og kommunedirektør Atle Fasteland med.

Som det går fram av vedlegg har det vore usemje mellom Bergsdalen Bygdelag og grunneigar, gbnr 77/1, om køyring over skuleplassen. Vedlagt ligg skriv frå grunneigar gbnr 77/1 og eit notat frå advokat Grande.

Kommunedirektøren vil gjennomføre det politiske vedtaket frå 2019. Bergsdalen skule overførast slik det kjem fram i avtale til Bergsdalen Bygdelag snarast råd er. Kommunedirektøren finn ikkje dokumentasjon for at det ligg føre rett til å køyra over skuleplassen for gbnr 77/1. Kommunedirektøren har heller ikkje fått stadfesta at det nokon gong er gjort noko munnleg avtale om slik køyring.

Det er, slik kommunedirektøren ser det, gode grunnar for å sjå det politiske vedtaket om å overføre skulen attende til bygda som eit bidrag frå Vaksdal kommune til å skape positiv vekst i heile Bergsdalen. Med ei slik «gåve» fører det og med plikter for alle partar. Snakka saman, finne gode løysingar og kommunisere positivt. Framsnakke kvarandre. For slik å skape vekst og positiv utvikling i heile dalen. Slik sett må ein kunne vente at partane kan samhandle og finne gode løysingar for eigar av gbnr 77/1 i ein overgangsperiode. Konkret tenkjer kommunedirektøren at partane må kunne avtale at Helge Terje Fosse får, etter nærare avtale, køyre over skuleplassen til og med sumaren 2024.

Sak frå 1974/75 om kompensasjon for vårfloren vert ei eiga sak melom grunneigar og Vaksdal kommune og difor ikkje omtala i orienteringa.